

2013-imi Inatsisartut aningaasanut inatsisissaanni ukiunilu missingersuusiorfiusuni inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersumi § 45 aamma § 46 naapertorlugu illuutinik iluarsartuussinernut, allilerinernut imaluunniit pitsannngorsaanermut ukiumut 2,3 mio. kr-inik immikkoortitsinissamik Naalakkersuisut peqquneqarnissaat pillugu Inatsisartut aalajangiiffigisassaattut siunnersuut, taamaalilluni BSU pillugu peqqussummi § 4 naapertorlugu illuutillit 2013 aallarnerifigalugu illuutiminnik iluarsartuussinissamut pisortanit taperneqarsinnaanermik periarfissaqaqqilersinnaaqullugit.

(Inatsisartunut ilaasortaq Anders Olsen, Siumut)

Akissuteqaa

(Ineqarnermut, Attaveqarnermut Angallannernullu Naalakkersuisoq)

Aappassaanneerinnineq

Sanaartornermut Avatangiisinullu Ataatsimiititaliaq sukumiisunik eqqarsaatigilluakkanillu oqaaseqaateqarmat Naalakkersuisut qutsavigaat aammalu matumuuna ataatsimiititaliap isumaliutissiissutaanut tapersiillutik. Naalakkersuisut inassutigaat siunnersuut saqqummiunneqarnermisut iluseqarluni akuerineqassasoq.